

Inatsisartunut aalajangigassatut siunnersuut Naalakkersuisut peqquneqassasut inatsimmik pilersitseqqullugit, angajoqqaq/oqartussaassusermik tigummiartoq meeqqamut ataatsimik arlalinnilluunniit innarluuteqartumut imaluunniit arlalinnik innarluuteqartumut akissarsiatigut taarsiivigineqarnissamik, pineqartoq meeqqap innarluuteqarnerata malitsigisaanik sivikinnerusumik suliguni. Tamanna pissaaq meerarisaq angerlarsimaffimmi najugaqartoq qassinilluunniit ukioqaraluarpat.

(Inatsisartunut ilaasortaq, Anna Wangenheim, Demokraatit)

Akissuteqaat

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerpeqarnera

Ataatsimiititaliaq aalajangiiffigisassatut siunnersuummik peqqissaarussilluni suliaqarsimaneranut Naalakkersuisunit qujaffigineqarpoq.

Aalajangiiffigisassatut siunnersuutip timitalerniarneqarneranut atatillugu pissutsinik ilisimaneqanngitsunik peqartoq, Naalakkersuisut maluginiaqqaat.

Ilaqutariit eqqugaasut amerlassusiinut aamma aalajangersimasumik pisaqartitaannut tunngatillugu paasissutissanut tunngaviit amigaatigineqarput. Paasissutissat tutsuiginartut, nutartikkat peqannginnerat pissutaalluni kommunit isumalluutaannik aaqqissuussinermi inuiaqatigiinnilu aningaasaqarnikkut ataatsimut pissutsinit tamakkiisumik sunniutit missingersornissaannut ilungersunartitsivoq. Nuna tamakkerlugu eqqortumik paasissutissanik tunngaveqannginnerata malitsigisaanik aningaasartuutunik sipaarutinillu eqqorluartunik, siunnersuutip malitsigisasaanik, naatsorsuinissamut ajornakusoortitsivoq.

Siunnersuut kommunit allaffissornerannut artukkiissaaq, inunnut ataasiakkaanut akissarsianik taarsiissuteqarnissamut pisariaqartitsineq pillugu nalilersuisariaqassagamik, tamannalu allaffissornerulertitsisinnaavoq sulianillu suliarinninnissamut malitseqartitsinissamullu isumalluutunik pisariaqartitsisoqassalluni.

Kommunit assigiinngitsut akornanni aaqqissuussinerup timitalernerneqarnierana assigiiaanngimmat, sumiiffinni suleriaaseq apeqqutaalluni ilaqutariit assigiinngitsumik sullinneqarsinnaanerata pissutaalluni assigiinngisitsineqaratarsinnaasoq Naalakkersuisut aammattaq erseqqissaatigissavaat. Naammanngitsunik nakkutilleeriaaseqanngippat, aaqqissuussineq siunertarinqartutut naapertuutinngitsumik atonerlunneqaratarsinnaavoq.

Taamatut oqaaseqarlutik Naalakkersuisut siunnersuut akuersissutigineqassasoq inassutigaat.